



Quotidiana Christiani Militis Tessera

Stanyhurst, Guillaume

Coloniæ Agrippinæ, 1682

10. Dies Octobris. Si vis omnem sollicitudinem exuere, quidquid veteris ne eveniat, eventurum utique propone. Seneca Epist. 24.

Nutzungsbedingungen

[urn:nbn:de:hbz:466:1-55659](https://nbn-resolving.org/urn:nbn:de:hbz:466:1-55659)

astraxerit, dicas quod mulier Spartana. Sciebam me mortales genuisse. Cum pecunia diffluerit: sciebam non semper fore meum, quod solo usu fuerat meum: serò animis ad periculorum patientiam post pericula instruitur. Non putavi hoc futurum: nunquam hoc eventurum credidissem. Quare autem non? Quæ sunt divitiæ, quas non egestas, & fames, & mendicitas à tergo sequatur? Quæ dignitas: quæ non nullæ maculæ, & extrema contemptio comitetur? quid regnum est, cui non parata sit ruina, & proculcatio, & Dominus, & Carnifex? nec magnis interval-
 lis divisa, sed horæ momentum interest inter Imperium, & exilium, imò inter solium, & sterquilinum. Scito igitur omnem felicitatem desultoriam esse, & quicquid ulli accidit, posse & tibi accidere. Tantum cavendum est, ne quid tibi subito accidat. Subitæ mutationes lædunt corpora, ita & animos sauciant. Vicissitudines animi subeunt paulatim: non saltu ab hyeme in æstatem itur; intercedit ver; ne repentinus ardor quasset valetudinem. Meditatio præparat animos ad malorum æstus, sicut vernus tepor artus. Altè ergò illud tibi imprime. Tela prævisa minus feriunt: cui calculum adjicit Poëta:

Se minis afflictum sensit, qui prævidet ictum.

10. DIES OCTOBRIS.

Si vis omnem sollicitudinem exuere, quidquid vereris ne eveniat, eventurum utique propone. *Seneca Epist. 24.*

Expecta I.
tio malo-
rum.

Aliud est subsidium Intellectus
adversus omnia adverſa ſem-
nare, non tantum futurorum
præmeditatione, ſed expecta-
tione. Itaque veretis ne eveniant. Expecta tanquam
eventura. Sicut peregrino peregre profecturo expe-
ctanda ſunt, quæ in Itinere ſolent contingere: ſuæ
tempeſtas, viæ fractæ, ac difficiles, hœſpitiæ ege-
caupones fallaces, importuni, ac moleſti comites, ex-
haustum maſſupium, cœlum ambiguum, venti, plu-
viæ, æſtus, frigora, fatigatio, & ejuſmodi complures
miſeriæ; quæ ſanè peregrino tam graves non videntur,
ſi poſſit dicere: expectavi hæc omnia: im-
providæ lamentantium voces ſunt: *Non expectabam
hunc caſum: Quis hoc putaffet? ſperabam meliora.* Non
ſunt ſapientis hæc querelæ, omnia quæ aliis fuiffent
inexpectata, erant expectata Anaxagoræ, ideò & ipſe
patientiæ fuit expectatiſſimæ. Hic Athenis captus,
geminos accipit nuntios, ſed utrumque triſtiſſimum.
Primus mortem ei decretam denuntiavit. Cui Anax-
agoras: Jam pridem, inquit, ſententiam tulit narra-
ta, tam in me, quam in eos qui me damnant. Alter
nuntius, filios interiiffe ſignificabat. Cui Philoſophus
ſcivi equidem liberos meos non eſſe immortales. Le-
thalia hæc vulnera erant, ſed quia expectata, Anax-
agoram vulnerare non poterant.

H. Illud conſtantiæ proprium eſt, ad omnia ſtare,
omnia ſibi putat reſtare. Ita prævenit omnia terribi-
lia expectatione ſua, ut cuique dicat. Serò accedis,
diu manſi in ſpe, nunquam in timore. Subita illa vul-
nera Jobo, fera fuerunt, quia expectata. Utrum
plus miraberis? Obſtinatam ne ejus conſtantiam, &
inflex-

inflexibilem frontem, cum spoliatus opibus, armentis, servis, prole, non molliter exutâ, sed laceratâ fortunâ, nudus mansit, ut sanie innataret? An cum rebus omnibus affluens, adulante sibi per omnia fortunâ, persuasum fuisse eventura mala, quæ evenire posse nemo sanus putaret. Nullus casus ei repentinus venit securo regis gaudiis, & divitiis: opulento possessionibus, fortunato tot prolibus. Vacabat, fortasse, dices, ad cogitatus otiosos, quippe extra potentiam, aut morem fortunæ, & invidiæ vota. Audi loquentem. (a) *Timor, quem timebam evenit mihi; & quod verebar accidit.* Æque miror illum timuisse, ac pertulisse. Quænam major gloria fuit, tot mala fuisse ab illo fortiter toletata, an prudenter expectata? Utriusque fortunæ fuit doctor, prosperæ, adversæ: æque prudenter, & timidè bonam tulit, quàm patienter, & animosè malam. Novit cavere in illa, audere in ista. Unde tanta illi inter tot diversos casus fortunæ inæqualis æquanimitas? Ex malorum quæ accidere poterant expectatione.

III. Ferebatur in ipsis ulnis felicitatis, ei blandientis ut nutrix cum infante solet. At ipse cum nulla mutandæ sortis suspicio erat, expectabat omnia adversa, ad illam se adornans: & prævidendo quasi præludens. Funestam igitur horribilium scenam oculis suis subiciebat. Quid erit, sibi dicebat, si tibi rerum tuarum dimidium auferet casus? Quid si armentorum partem? quid si ignis cælitus demissus omnes greges cum pastoribus absorbuerit? quid si his accedat, jactura camelorum, & custodientium servorum? quid si malorum cumulus, liberorum charorum

E e e 3.

(a) L. 3. 25.

rum morte surgat, & fato iniquissimo? quid, si hoc acerbum poculum invidentis fortunæ, non per haustus aliquot, sed uno spiritu es compellendus exorbere? Quid si omnem istam seriem calamitatum, non in anno, in mense, non in hebdomade, non in die, sed in hora una, impetu concordi irruat? si minori spatio, quàm cogites? Quid, si post istas sævicias, unum tui perfugium sit, non nosocomium, cum Reafis, sed sepulchrum adhuc te superstiti? nec istud humanum, sed caninum, fœtidum sterquilinum? Ubi omnis tua familia, tuis ipsis visceribus hospitata, sint vermes, ut qui mortua corpora absumunt tecum spiritu exedant: ut non fortuna modò, sed natura iniqua tibi sit, & extra morem suum te spirantem corrumpat? tam acerba, ut solum tibi mortem neget, ut omnia ad eò tibi defecerint, & ipsum deficere? Num propterea turbabitur mens tua, deturbabitur animus? Nequaquam, inquit, plus enim animum meum habeo, quàm pecora, plus tranquillitatem meam, quàm turbam famulorum. Colligat suas copias fortuna; nova torquendi inventa excogitet: experiatur summum quod potest; pluant infortunia, omnia expecto. Hoc secum computabat, hoc secum decernebat, pugil ille Dei. Itaque malorum futurorum expectatio, erat illi quasi quædam ante pugnam deteriore, velitatio. Hinc si timeas fortunæ tela, illa provide prævidè, & intrepidè expecta. Sic hebetabis illorum aciem: Nam.

Tela nocent levius visa volare prius.